

ramtharchanchinbu@gmail.com


Estd : 1984

RAMTHAR

(Mission)



August 2010



REV. D.E. JONES
ZOSAP MISSIONARY - ZOSAPHLUIA

Ka beramte chawm rawh 21

Editorial Board 2010

Editor	:	Upa Zoramthanga	9436362385 (M)
Joint Editors	:	Upa R. Lalmalsawma	9436154179 (M)
		Upa Lalhriata	9863226630 (M)
News Editor	:	Pu Lalbiakenga Fânai	9436366234 (M)
Manager	:	NI. H. Lalngûrliani	9774390980 (M)
Publisher	:	Rev. Lalchhuanmawia	2325899(O)

Member-te

Rev. C. Chawngliana	Synod Moderator
Upa Vanlalhuma	Synod Secretary (Sr.)
Rev. Lalzuithanga	Executive Secretary i/c Mission
Rev. K. Lalhmuchhuaka	BEC member
Upa C. Malsawmkima	BEC member

Kum khat lak man Rs. 45.00

- * A bu la duh leh a man pe duh chuan NI. H. Lalngûrliani, Manager, Ramthar, Synod Office, Aizâwl-796001 hriattir tûr.
- * Ramthar chanchinbua thu chhuahte hi a ziaktu mawhpurhna a ni.
- * Thu chhuah tûr chu phêk lehlam chauhva ziakin Editor, Ramthar, Synod Office, Aizâwl-796001, Mizoram, India hnênah thawn tûr.

A CHHUNGA THU AWMTE

1. Editorial	1
2. Keimahni	2
3. Chanchin lawrkhawm	4
4. <i>Buhmun aţangin</i>	
1) Bru/Chakma Gospel Team rawngbawlina report	7
2) Silcoorie khuaa Chanchin Țha luh dan leh Pathian hnathawh...	10
3) Co-Mission Partners Conference	14
5. <i>Sunna</i> : Pu K. Lalhmunliana kan then ta	17
6. Missionary Training College hawn a ni ta	18
7. <i>Sermon</i> : Ka beramte châwm rawh	21
8. Ramthar Field tlawh report	23
9. Synod-Interserve Partnership	25
10. I lo ngaihtuah ve ngai em?	30
11. Rawngbawl nana thilpek petute	31
12. 2010 chhunga Karbi Anglong Field mamawh	(back cover inside)

*Editor thuchang***Lawm thu kan sawi e**

August thla a lo thlen hian a hminga Mission rawngbawl na lama mawhphurtute tan hi chuan a phûrawm thar leh thîn - August ni 31 hi Ramthar Ni a ni miao a ni.

He ni hi Mizorama Kristiante tân ngaihlutawm taka chantirtu chu kan Zosap, lu la hnam nia min hre chung chung pawha 'thih leh thih' tia Chanchin Tha meichher min chhit ênsak tûr leh, kan retheihna leh hrehawm zawng zawng min tawmpui tûra kan zinga lo chêng tûra inpe, Sap tlangval huaissen kha a ni.

Keini tihêna awm tate pawhin chu Nunna Eng thu chu ưtawk tûr vawn mai lovin, mi dangtehnepedh'wnga, 'rah chhuah tûr hnam'-te zinga tel ve tûrin kan puan ven kan sawi chhîng sauh sauh zel a; hmangaihna chu hmangaihna vêka chhâng lêt tûra kan inpêk tâk zêl avangin he ni hi '**Lawm thu sawina ni**' a nih rualin '**Luan chhuahna ni**' atan kan lo hmang ta hial a nih hi. A lawmawm teh e!

Keini aia Chanchin Tha dawng hmasa zawk daih, hril darh kawngah chuan kan nê pawh ek pha lo kan chhehvela mite han thlir châng leh, kum 50/60 lai kal taa kan hnen aţang ngeia Chanchin Tha lo dawng tawh, hril darh kawngah chuan nausen ang chauh la ni site han en hian, 'Engtizia nge?' tih rualin 'Kan va vannei bîk êm!' tih loh rual a ni lo.

Sum leh pai emaw, tha thawh ngai a ni emaw, crusade leh campaign emaw pawh ưl se, mi dangte tihah khêk mai lovin a titu ber nih ưeuh kan tum a; chutiang kawng remchang a awm leh awm loh ngaihvenin beng kan chhi tlâng ưeuh mai te hi kan Pathian tân chuan hmuh kan nuam ngawt ang. Chutih rualin, 'Kan kohhran hetiang kawngah hian kan harh lo bîk,' tia insita, induhtawha rilru nasa taka sêng thîn Kohhran Upa eng emaw zât kan nei reng bawh. A lawmawm a ni!

Kan ramah hian a rimchhe lam hi langsâr hle thîn mah se, a rimtui lam hi a tui veng veng thîn a ni lo'm ni? Kohhranhote hnenah hian lawm thu sawi lo thei kan ni lo ve. Pathian ram hi rah chhuah tûr hnam hnena pêk tûra chhuhsak kan nih mai loh nan theihtâwpin i ưang zel ang u. Lalpa'n min hruai zel dawn si.

Thawh zel la, i thawhah lawm rawh.

K E I M A H N I

1. Missionary Training : July-September (thla thum) chhung atan MTC, Mission Vengthlangah contract missionary 15-te'n missionary training an nei mêk. Hetiang hian remchângah chuan koh zel beisei a ni.

2. Synod Mission BEC vawi 507-na : Ni 23&24.6.2010-a ðu chuan thu tam tak an rel zingah hengte hi a tel: (1) Ranglong Hla Bu copy 2,000 chhut chungchang te, (2) NEI nena thawh ho dan tûr kalpui mêk chhunzawm zel thu te, (3) Deputation-a B.Miss. zir lehte pem hruaina *Ramthar Manual II:Bung 8(2)(f)* anga pêk thu leh in luah man pawh rate neih lai anga pek tûr thu te, (4) Burma Mizo Christian Fellowship (BMCF), Janakpuri, Delhi-a awmte'n anmahni enkawl tûra Field hotute an lo ngenna chu, SEC-in SMB kuta a hlan angin, kan mission rawngbawlna tibuai lova sakramen leh serh leh sang pawimawh dangte Field Secretary-in lo tihsak ðin tûra remtih thu te leh, (5) Chhim Biala hospital hmun tûr Synod Office bula mi chu Lunglawna Mission Centre sak mek nena inthleng SEC-in a rawtna chu, ðil ðul apiang office lamin lo bawh zui tûra ti chung a Board-a thlen tûr chungchang te a ni.

3. Secretary's Report : Ramthar BEC 507-a Mission Board Secretary report-ah hian - (1) June 10, 2010-a Presbyterian Hindi Bible School Graduation Day vawi 45-na chu Board Secretary leh BEC member eng emaw zatin an hmanpui thu leh India ram hmun hrang hrang aþanga zirlai 26-in ða taka an pass thu te, (2) BEC 504:17-in EPCS, Sikkim nena agreement kan neih September 2009-a tâwp tawh chhunzawm a remtih leh agreement lo sign-pui tûra Board Secretary kuta dah chu June 14, 2010-a sign fel a nih thu te, (3) Masihi Sangati Manual-a siam ðat ngaite siam ðhaa, tihdika chhut ðat tûra BEC 505:11-in a rel chu tunah SL&PB lamah pek luh a nih thu te, (4) SMB motor hlui Gypsy chu SEC kan ðil angin Tripura Mission Field hman atan pêk a nih thu te a tel.

4. Office Hotute Meeting (OHM) 2010/14 : July 5, 2010-a th̄u chuan thil chi hrang hrang an ngaihtuah zingah - (1) Dawrpui Kohhranin Marpara-a Aug. 28-Sept. 1, 2010 chhunga Gospel crusade neih an dilna chu remtihsak a nih thu leh, rawngbawltu atan Chakma Gospel Team member-te hman remtih a nih thu te, (2) Damparengpui Kohhranin an kohhran kum 25 tlin denchhena Nov. 26-Dec. 19, 2010 chhunga Bru Gospel beihpui neih an tum chungchangah, Gospel Team rawih leh suma tanpuina an dil chu p̄k remtih an nih thu te, (3) Bru/Chakma Gospel Team-te hlawh en th̄at chungchangah zir chianna leh rawtna BEC-a thlen chungchang te, (4) Guwahati-a kan Field Hqrs. hmun keimahni hminga *'Presbyterian Mission Compound'* tia dah t̄ura affidavit siamtir remtih chungchang te, (5) SMB hnuai Health Worker-te hlawhbi leh an lâk zât chungchang chu SMB-a Mission Promoter i/c Pay etc.-in a lo en chiana, BEC-ah thlen t̄ura tih chungchang te a tel.

5. Ṭawngṭaipui t̄ur : C. Lalhmunmawia, Evangelist, Masihi Sangati-a thawk chu cancer-in rei tak a na tawh a. Kohhranhote'n i ṭawngṭaipui zel ang u. (*Hetiāng natna khirkhkan tuar mi dang an awm chuan, kan inṭawngṭaipui theih nan Ramthar chanchinbua chhuah t̄urin inhriattir zel ni thei se, a lawmawm ngawt ang. - Ed.*)

6. Jorhat-a kan dinhmun : Jorhat-ah hian kumin 2010-ah hmun kan khuar tan ve chauh va. Thawktu Evangelist pakhat, Duhliana chu amah chauhvin bul tantu a ni. Kum 1905 khan Rev. S.A. Boggs chu lo lut tawh mah se, Kristian pakhat chiah a siam hman. Tunah hian kan kohhran member pakhat mah an la awm lo va ni. Mizo Fellowship an awm ve a. Tah chuan Duhliana pawh a inkhawm ve mai th̄in. Ṭawngṭaipui an ngai hle a ni tih thu Evan. Duhliana hnen aṭangin kan dawng.

7. Tihdikna : Ramthar July, 2010 chhuakah khan a kawma **'A chhunga thu awmte'** tihah **'Ramthar chanchinbu 200 sem chin agent'** tih a nih laiin a chhung thu tak takah **'Bu 100 sem chin..'** tiin tihsual palh a ni hlah mai a. Tin, a dang pawh duhthusam tâwk lo a awm nual a, a pawh hle mai. Chhiartute'n min ngaihdam kan dil e.

CHANCHIN LAWRKHAWM

1. Arab International Festival-ah Kristian 4 man an ni : Kumin June thla khan Michigan (USA)-a Dearbon-ah Arab International Festival neih a ni a; Muslim pung khawmte zinga Chanchin Tha hril tumtu Kristian 4 chu man an ni.

Festival ni 3 an neih chhung hian mi 3,00,000 vel pung khawmte chu zalen tak leh inrem taka an awm phalsak a nih laiin, mi dang sakhaw tibuai zâwnga awm erawh khap a ni a. Heng Kristian 4-te hi ringlo (Muslim) titipui an tum nia hriain man an ni ta a ni.

- *CBNNews*

2. Ghana ramah Bible School luhchilh a ni : Ghana (Africa khawmualpui) ram Wimmeba khuua Church of God Bible School, Pan African Theological College chu kumin June ni 10 khan tu tih hriat loh mi 9-in an luhchilh a, thawktu awmte chu dimdawina tel hlek lovin na takin an sawisa.

He college president David Ofori chuan a lu-ah hliam na tak a tuar avangin nikhaw hre lovin leiah a let reng a. Thawktu hmeichhe thenkhat an pawngsual bakah tiangin an vua a, nasa takin an sawisa hlawn. Vanduaithlak takin heng mi sualte hi tun thlengin an la man lo.

Mi sual zinga pakhat chuan pistol-in Pastor lu a tin a, “He mi hi Pastor a ni a, kan that tûr a ni,” tiin ring takin a au vel a. Mi sualho chuan Pastor wallet leh a chhunga passport, credit card leh college pawisa tam tak an laksak baw a ni.

- *The Banner*

3. China ram Kristiante tan mel lung thar a thleng leh : *Biblica* chuan kum 200 an tlin lawmna chi khat atan China rama Kristiante hman tûr China ãawnga buatsaih Bible chu May thla tir khan Singapore-ah an tlangzarh a. Thuthlung Thar bu pum leh Thufingte bu infin a ni.

An tlangzarhna hmunah *Biblica International* hotupa Danby leh, lehkhabu ziaktu leh thusawitu lar Philip Yancey-te chuan he Bible thar buatsaih tûra hma lâk a nih dan leh China Kristian nawlpuite tân a ãangkai hle tûr thu an sawi. *Biblica* hotu zinga pakhat, Richard

Loh chuan, “He Bible thar hi a thu a mawlin hriat thiam a awlsam a; hei vang hian mi dang hnena Pathian thu hril pawh a awlsam phah dawn hle a ni,” a ti.

Kum 1919-a China țawnga Bible lehlin hmasak ber chu a thu a ulh êm avangin Kristian tam zawk tan hriat thiam a har thu leh, tuna mi erawh chu a danglam hle dawn thu te, hetiang thu awlsam tho hmanga Bible pum buatsaih mêk chu kumin kum tâwpah peih hman an inbeisei thu te a sawi bawk.

He Bible thar tlangzarh inkhawmah hian China rama Kristiante insuihkhawmna pawl lian ber ber pahnih - *China Christian Council* (CCC) hruaitute leh *Three Self Patriotic Movement* (TSPM) hruaitute pawh an tel a; Bible thar buatsaih a ni chu lawmawm an tih thu an sawi ve bawk.

- *Mission Network News*

4. Hindu-hovin AP-ah Biak In tichhiain, pathian lem an dah :

Kumin May ni 23 (Pathianni) chawhma khan Andhra Pradesh state-a Anantpur khuua Kristiante biak in sak mêk chu Hindu firfiak pawlte’n an suasam chiam a, Biak In chhunga Pathian biakna hmanrua hrang hrang an tichhiat bâkah an Hindu pathian Hanuman-a lem an dah a ni.

Global Council of India Christians (GCIC) hotute’n an sawi danin he biak in suasamtute hi Hindu firfiak pawl, Rashtriya Swayam Sevak (RSS) mi leh sate an ni a; he biak in hi phalna hmu lova sak a nih vanga suasam niin an insawi a; mahse, helai hmuna ringtute chuan thuneitute hnen ațanga phalna an hmuh ang thlapa sak a ni tih an sawi ve thung. Kristian pakhat chuan he lai hmuna biak in sak hi an remtih loh avanga chhuanlam siama tichhia an nih thu leh, a chhunga pathian lem dah a ni chuan an thinlung a tihnat takzet thu a sawi.

He kohhran pastor Vijay leh Kristian eng emaw zat chu he thil a thlen veleh an hnaih ber police station-ah țanpuina dilin an kal nghal a; mahse, police-te chuan thubuai pawh an ziaik lût duh lo niin an sawi. *Global Council of India Christians* hruaitute chuan Andhra Pradesh Chief Minister, Dr. K. Rosaiah hnenah a state chhunga

biak in leh Kristiante venghim tûrin theihtawp chhuah tûra an duh thu an sawi.

- ASSIST News Service

Raipur khuua Kristiante chuan he thil thleng an duh lohzia an lantir bâkah, he khuua District Collector hnenah heng mite chhuah tûra an phûtna lehkha an theh lût a ni.

- Christian Post

5. Iraq ramah Isua lim : Kumin April thla laihawl khan Iraq rama Kristiante'n an ram hmar bial chhunga Kristian khaw lian ber, Hamdaniya-ah Isua Krista bân phar lai lim an siam chu an rama anmahni dodaltute'n nasa takin dodal dawn pawh ni se, tuar huamin an dintir ve ta. Brazil khawpui Rio de Janeiro khuua Isua lim entawna siam a ni a; mahse, Rio de Janeiro khawpuia mi len zawng hmun 10-a then hmun khat tiat vel chauh a ni. Hamdaniya khua hi Isua Krista lim an dintir avang hian tlawhtu an tam phah hle a ni.

He khuua Kristian hruaitu lu ber Bashar Jarjees Habash chuan Iraq ram buai tak kâra Isua Krista lim an dintir chu an rama inrem taka chen ho dial dial an duhzia leh chu thu chu mi tin hnenah an tlangaupui zel dawn tih lantirna a nihzia a sawi. Isua Krista lim din nan an ram pawisa, dinar 1,50,000 (dollar 128) vel sengin mi 20 velin thla khat chhungin an peih fel hman. Kum 30 chuang ding thei tûra siam a ni.

- Christian Mission News

KOLKATA FIELD MAMAWH

- | | |
|-----------------------------------|----------------|
| 1. St. Nicholas Church Evangelist | |
| Quarters repair nan | - Rs. 20,000/- |
| 2. Neruliya Biak In Earth filling | |
| & repair nan | - Rs. 50,000/- |

Buh hmun aţangin:

BRU/CHAKMA GOSPEL TEAM RAWNGBAWLNA REPORT

“Haleluiah! Lalpa’n a hmu leh ta!”

*- Laltlankima Chhange
Bru/Chakma Gospel Team
Chawngte L, Mizoram*

A tum khatna atan ni 15 Feb. - 1 March, 2010 chhunga keini Bru/Chakma Gospel Team-te kan feh chhuak chuan Pathian hruaina kan dawng nasa a, kan lawm hle mai.

Ni 15 Feb. (Mon.)-ah kan post Chawngte L aţanga nilenga tl  nin t  lai dar 5:30-ah kan tum ram Parva I chu kan thleng a. Thawktute’n min lo dawngsawng   a a; rawngbawl dan t  r te kan sawi ho nghal a. Zing leh t  laiah *home visit* neiin chhun lamah ‘  ang camp’ angin sikul lamah hun kan hmang a; zan lamah Quarters-ah inkhawmna hun   a tak leh hlimawm tak kan hmang    in bawk. Pathianin nasa takin h  a a thawk a, ringthar 22 lai min pe; kan lawm hle.

A tuk ni 20-ah ni 21 thleng ch  m t  rin mutbu nen Parva II lamah kan inpu chhuak leh a. He khua hi Bru hn  m, Kristian vek tawh an ni a. Kan Salvation unaute’n an hall kh  r meuhvin hun min lo hmanpui a. BBC (*Bru*

Baptist Church) lam pawh an inkhawm   a hle. Kham lo takin kan in  en leh ta a ni.

Ni 22 zingah chuan Devasora lam panin kan inpu chhuak leh a; thawktu Quarters-ah innghat lehin Parva lama kan rawngbawl dan ang tho khan hun kan hmang leh a. Chhun lamah tual zawlah Pathian thuchah kan puang chhuak bawk. Sawrkara an zirtirtu pakhat p  ei chuan zan lamah ‘*emergency light*’ te rawn thawh chhuahpui  in ina leng lo hial an lo kal khawm    in a; Lal Isua zui t  rin mi 45 lai an inpe thar leh ta. Lalpa chu fakin awm rawh se!

Kan programme zawh tuk ni 25-ah Damdep I lamah 407 truck hnunga betin tluang takin thawktu Quarters kan thleng leh

a. Thingpui tui tak nena thawktute'n min lo dawnsawnaah kan lawm hle. Rawngbawl na a tlâk that zâwk beiseiin ringlomi inah kan innghat ta zawk a. A mi chengte hi Tongchongia hnam an ni a, an harsa angreng khawp mai. Zan lamah bazar-ah leh mi inahte inkhawmna hun kan hmang a; chhun lamah sikul naupangte hla kan zirtir thin bawk. Beidawn tawh lamah a hun takah Pathianin kan dilna chu hriain Kristianah mi 52 an rawn inpe leh a; lawm avanga mittui tla zawih zawihin team member-hote pawh lawm thu sawiin kan tawngtai a. Kan tih theih hauh loh heti zât mai Lalpa'n ringthar min pe hi a ropui kan ti takzet a ni. Halleluia! Lalpa chu fakin awm rawh se!

Damdep I atang hian Damdep II, Kristian awm tawhnaah kan kohhran mi thenkhatin Inrinni zan leh Pathianniah hun kan hmanpui a; thusawina hun te min pe a, kan lawm hle. Kohhranho inpawl khawm pawh a nuam hle a, kham lo tak leh inui tak chungin kan inthen leh ta a ni.

A thawh hnihna atan Zawlpui Bial chhung Chakma khuaah rawngbawl na kan nei leh a, kan hun hman dan tlangpui chu:

February ni 23-ah Pângtlâng lamah kan chhuak a. He khua hi nikum lama kohhran din tawhna niin kumin atangin fellowship-in kalpui tan a ni a. Thawktu pakhat a awm a; kan thlen hlim pawhin min lo dawngsawng tha a, kan lawm hle. An biak in hi kuminah Vaivakawn Kohhranin an saksak a, a lawmawm hle mai. A hmaa kan rawngbawl dan ang tho khan hun kan hmang a. Ringthar tê têtê thinlung leh tihtakzeta Lalpa faka an lâm han hmuh chuan rilru a hneh duh khawp mai.

An zinga pakhat Lungsen Lala - nasa taka Kristiante dodal thintu, Isua poster-te pawh tichhiaa, lo hal ral tawh thin leh, "Ka dam chhungin Kristian ka ni lo vang," lo ti thintu, hun rei fe kan titipui hnua Krista hnung zui tûra a rawn inpe chu kan lawm takmeuh a ni. Kristiante an lawm a, Kristian lote pawhin mak an ti hle. Pathianin ringthar 29 lai min pe a, kan va lawm êm!

Lalpa'n a beram bo a hmu leh ta. Lalpa chu fakín awm rawh se.

Kohhranho nen inpawl khawmin, kan kohhran chanchin leh kohhran dangte nena kan danglamna an hriat thiam lohte pawh inpawh takin kan sawi ho va, anni pawhin hlâwkpui an inti hle. Khawvelah hian tu mah kumhlun tûr kan awm lo ang bawkin inñhen a lo ngai leh ta mai si a, inngai tak chungin kan inmangtha leh ta a ni.

Kar khat dawn lai kan thang hnu, ni 28-ah kan mutbu leh bagte nen baw Kauchhuah lam kan pan leh ta a. Kauchhuah Kohhrante'n min lo hmuak baw a; hlim takin tlai lamah kan thleng thla a. Thawktute inpêkna kan hmuhin kan lawm hle. He khuaah hian kum 2007 khan Presbyterian chuan hma la ãanin, biak in leh sikul pawh tha tak an lo nei tawh a. A zatve aia tam mah Kristian lo an la nih avangin hma lâkna tûr erawh a la tam hle. Chhun lamah naupang hla zirtirin zing leh tlaiah *home visit* kan nei leh a. Zan lamah biak inah kohhran

mite phûr takin kan inkhawm ãhin. Naupangho inkhawm kal khalh hman mang loh khawpa an phûr han hmuh chu thil nuam tak a ni. Lamtualala leng lo khawp kan lâm ãhin a; hmuh a nuamin kan va hlim ãhin tak êm! Hun han hman rei deuh pawhin tu mah ning hmel pu an awm ngai lo kha kan lawmna pakhat a ni. Ringthar pakhat Lalpa'n min pe leh a. Lalpa hming chu fakín awm rawh se. Kohhranho pawh hi rinna lama naupang tê tê an la ni a, ãawngtaipui an ngai khawp mai.

Kan zin tawhnaah hian Pathian hnathawh a lang nasa ãhin hle a. Kohhran, pawl leh mi mal ãawngtaina rah a ni tih kan hria. Lalpa'n ringthar tam zâwk min pêk zel theih nan min lo ãawngtaipui zel tûrin kan ngen a che u. Nuamsaa rawngbawl tûr ni lovin, Lalpa tân hrehawm tuar tûr leh ringlomi Krista ke bula hruaitu kan nih zel theih nan te pawh. Kuminah hian vawi hnih zin tawhin ringthar mi 151 Lalpa'n min pe ta. "Haleluiah! Lalpa'n a hmu leh ta!"

SILCOORIE KHUAA CHANCHIN THA LUH DAN LEH PATHIAN HNATHAWH MAK

- Evan. Lalrinpuia
Silcoorie

Silcoorie hi Silchar aṅga Mizoram lam hnaih km. 14 vela awm, Bagan Area (Thingpui huan ram) tia hriat lâ a ni. Hindu-ho hmun pawimawh tak, Bihari (Deswali)-ho tân pheî chuan Assam State chhunga an Headquarters leh North-East India-a an mandir lian ber Baram Baba Mandir awmna, ‘Banaras pahnihna’ ti hiala koh a ni. Baram Baba Mandir hi Bihari (Deswali)-ho chuan an ngaihlu êm êm a. Kum tinin West Bengal, Bihar leh U.P. aṅangtein khawmpui lian hmang tûrin a nuai têt an lo kal khawm thin. Silcoorie-ah hian hmun thuma then hmun khat lai hi Deswali hnam an ni. He Mandir hi RSS-ho Headquarters pakhat, an meeting-na hmun pawimawh tak niin he khua hi RSS khai pate awm khawmna hmun a ni bawk.

Tlawh chhuah a nih dan leh rawngbawltute luh dan : Silcoorie-a rawngbawl tûra lut hmasa ber chu Republic Veng Presbyterian Kohhran an ni. Ni 21.3.2002-ah Barak Area-a rawngbawl dan tûr an dap a, Administrative Secretary Rev. Vanlalchhunga an zuk biakrawn chuan Silcoorie-a Crusade nei tûrin a lorawn a. Nov. ni 21-24, 2002-ah Speaker-ah Rev. Darkhuma ruaiin Chanchin Tha meichher chu an chhi tan ta a ni. Crusade leh Campaign te nei chhunzawm zelin April, 2004 aṅangin Kraws Sipai Umar

Sankar Pandey-a chu Administrative Secretary kaltlangin an ruai ta a. Republic Veng Kohhran rawngbawlna rah hmasa ber Pu Rangunath Rabidas-a chuan ni 29.12.2006 khan baptisma a chang ta a ni. June, 2008 aṅangin Evangelist Pu Lalrinpuia, Sihphir chu an dah leh ta a. January 2009 aṅangin Synod Mission Board chuan Pu Zoramthanga, Bungtlang S-a Hindi Teacher chu an rawn dah ve leh ta bawk a. Silcoorie khuaah Chanchin Tha meichher chhit a lo ni ta.

Silcoorie hi Hindu-ho hmunpui pawimawh tak a nih avangin rawngbawl a hautak hle. Dodalna pawh a tam narawh. Heti chung hian mi thenkhat chuan huai takin Lal Isua Lal leh Chhandamtua pawmin baptisma an chang mek bawh. Tunah hian baptisma chang tawh mi 10 an awm a. Tlangval Ganesh Gwala, 2009-a Republic Veng Kohhran sponsor-a Hindi Bible School, Bawngkawh aṭanga rawn zir chhuak tawh chu kum 2009 August-December chhung atan Kraws Sipaiah an la zui a. Mahse, vanduaithlak takin rawih hun chhung pawh hmang zo lovin a rinna a phatsan ta hlauh mai a. Ṭawngṭaipui pawh a ngai hle.

Deswali hnam hlang deuhthaw awmna Silcoorie khua, Barak Area-a Hindi ṭawng hmang project kan neih chhun, mihring nuai 14 vel awmnaah hian Synod rawih thawktu pathum leh kohhran rawih pakhat chauh kan la nei a. Lalpa'n heng kan unau Deswali hnam zingah hian inpuan ve a duh tawh a ni. Kohhrante'n ṭan kan lâk a ngai hle. Buh seng tûr a tam, thawktute an tlêm si a ni.

Silcoorie-a Pathian hnathawh mak : Silcoorie-a Hindu-ho mandir ngaihhlut êm êm mai Baram Baba Mandir-ah hian kum tinin inkhawmpui lianah mi nuai tel takmeuh an lo kal khawm ṭhin. August 2, 2009-a Shiv Shankar Janan Yatra an hmang tûr pawh an inpuahchah nasa hle a. He hun hi ruih theih thil, ganja leh zu nen an hmang ṭhin.

An inkhawmpui hma, July 22-24, 2009 chhungin *'Barak Area Worker Outreach Programme'* hmangin Silcoorie V/C huam chhung Borokhali leh Dharan Khal-ahte kan vak chhuak a. Tluang taka Lal rawngbawl hna kan thawk mup mup mai chu Setana thîk tham a lo tling hle mai a. July 24, chawhma dar 11 velah chuan RSS-te nen kan intawng ta a. "Silcoorie hi Hindu lalram a ni a. Eng vangin nge Kristian rawngbawltute in lo awm tâk mai? Eng nge in tih? Tu nge in luah tûr lo pe? Silcoorie aṭang hian in chhuak tûr a ni," ti tein min vau ta a. Silcoorie-a kan luh tirh aṭang rêngin harsatna hi kan lo tâwk fo tawh a. RSS-ho chuan

thingpui huan manager chu Silcoorie min chhuahsantir tûrin an hrilh nghal a. Anin, an tih theih thil a ni lo va, V/C hnena thlen tûrin a lo ti ve thung a. V/C-te hnena an thlen chuan, “Hengho hi Silcoorie-ah hian awm lo mah se, khaw thenawmahte he hna hi an thawk tho tho dawn a. A thuhrimah heng Kristian rawngbawltute hi khawtlang tan an hnawkna leh sualna ka hre lo va, kan hnawt chhuak thei lo vang,” a lo ti ve tlat baw si.

RSS-ho chu beidawng duh lovin an pandit te nen tang tlângin min nêk chêp a. Mipui fuihpawrh nan chanchinbu ‘Prem Bharti’-ah kan chanchin chu dawt phuah chawpin an chhuah ta a. Internet-ah te hmuh theihin an dah baw a.

RSS General Secretary, Silchar Area chuan min ko va, thu tam tak kan sawi dun a. Ani chuan, “Pathian thu chu sawi rawh u. Amaherawhchu, mi dang pathian in sawichhe tûr a ni lo. In thu ngaithlatute pawh inleh (*convert*) in phal tûr a ni lo,” min ti a. Keini chuan, “Mi dang pathian kan sawi chhe ngai lo va; tin, inleh (*convert*) thu-ah

chuan anmahni thu a ni a, kan khap thei lo,” kan ti ve tlat a.

Silchar Mission Compound-a kan hotute pawh thil awm dan kan hriattir a. Pastor Subash Upadhaya chuan internet-a an thuchhuah chu min rawn chhiar chhuahsak nghe nghe. Hemi zan hian RSS Committee member, ka hmelhriat, kan thian bul hnai tak chuan kan tan Silcoorie boruak a ralîit avang leh kan nunna pawhin tuar hial thei a nih avangin boruak san zual chhung chu leave emaw laa, Silcoorie chhuahsan rih mai tûrin thu min rawn a. Kei chuan tu huatthu mah ka sawi ka hriat loh avanga tlanchhiat mai ka tum loh thu leh, tuar a ãul ta a nih pawhin ka Lalpa tân chuan vuak chauh ni lovin thih pawh ka huam thu ka lo hrilh a. Hetia min rawn hrilh hi kan hmakhua a ngaih vâng a nih pawh ka ring a, a chungah ka lawm hle nghe nghe a ni.

RSS-ho chuan, “Silcoorie-a Kristian rawngbawltu Lalrinpuia’n, ‘Hindu pathiante hian eng mah an ti thei lo,’ a ti,” tiin dawt thu an vawrh darh leh a. He thu hi tun thlengin min

sawichhiatna, kan khaw chhehvela an la vawrh darh reng chu a ni. Keini pawh kan fimkhur a; kan ringtharte pawh boruak rih zual chhung chuanrawn inkhawm lo mai tûrin kan ti a. Tawngtai chu kan tih theih chhun, kan inthlamuanna awm chhun a ni.

August ni 2, 2009-a an inkhawmpui lian ‘*Shiv Shankar Janan Yatra*’ an hmang tan tûr chu, boruak nei sa leh an *target* kan nih avangin rilru a nuam lo duh hle. Nimahsela, hmun hrang hrang atangin min tawngtaipui reng thu *phone*-a minrawn hrilh reng chuan min tichak tharin min tithlamuang leh thin. Ka thawhpui Pu Zoramthanga nen chuan boruak a that loh viau dawn chuan kan nupui fanaute nen Mission compound pan mai tûrin kan ruahman a. Mahse, engati nge maw ni teh reng ni, Silcoorie chhuahsan loh dan ngawt ka rilru chuan a dap a. Chhuahsan tûra ka indah châng apiangin ka na tlat mai a nih chu!

Pathianni (Aug. 2, '09) chhun lam chu boruak danglam awm lovin, dan pangngaia inkhawmin kan hmang liam a.

Tlai dar 6 vel atang chuan inkhawmpui hmang tûr chu an lo kal tan ta a. “Zanin chu kan chungah eng tak thleng ang maw?” tih chu kan rilru pui ber a ni. “Lalpa, engkim ti thei neitu kan ni a, a tul angin ro min rêlsak mai ang,” tih chu kan innghahna ber a ni ta.

Zan a rei tawlh tawlh a; khua lah a thiangin thla a êng êm êm a. Mihring an tam tulh tulh a, thawm a tha telh telh a, an au rual leh dur dur thin a. An rui bual mai baw si. “Eng tikah tak minrawn hnûk chhuak ang maw?” ti rilru reng chungin kan chungah thil lo thleng tûr chu ka sakuh sêr nghah ngawt mai a ni. Zan dar 11 vel chuan mandir lamah an kal khawm tan ta a. An tih leh tûr hmabâk chu keini chhungkaw hnih chu kan niin a lang ta.

Ka rilruah Lal Jehosaphata chungchang kha a lo lang ta a. Mipui tam tak amah do tûra lo kal a hmuha, a hlah dan kha tem ve riak ruakin ka inhria. Lalpa’n, “He indona hi ka indona a ni,” a tih ang khan tunah pawh hian ka thlamuang ru tlat a ni.

Kohhranhote leh keini mi tlâwm tê tète ÷awngñaina chu chhan a ni ta! Zan thla êng khaw thiàng kûk mai chu zan dar 11:40 velah chuan chawplehchilhin chhûm dum chhah takin rawn tuamin, inrin lâwkna hman pawh awm miah lovin ruahpuivânâwn a rawn sûr ta chiam a nih chu! Zing dar 3:00 thlengin a hân miah lo. Mahse, an puja chu a ÷ulhtir chuang lo. Pathian hnathawh dang a lo lang leh ta. An puja hman sa hulh hulh kârah chuan zing dar 2:00 velah mandir kawtah Bihari (Dewali) hnam lian ber pahnih, Gawal hnam leh Nunia hnam bike-in an insu ta a. Hnam thila lain an intualvuak phah ta a. Hliam na zual pathum

phei chu Gungur damdawi inah thawh phei an ni. Keini lam min rawn ngaihaven thei aram pawh an awm ta lo. An pandit leh RSS hotute phei chu buaina chin fel tumin an hmanhlel ta zawk a. Lalpa chu fakin awm rawh se! Kan hmelmate lakah min chhanchhuak ta!!

A hnathawh mak tak mai Lalpa'n min hmuhtir hi a ropui takzet a. Mahse, Setana hian chawlh zai a rel dawn lo, ÷awngñaipui kan ngai reng a. He chhanchhuahna pawh hi min ÷awngñaipui vang a ni. Silcoorie-a Setana lalram hi ÷hiah a nih theih nan Lalpa hnenah i dil zel ang u.

CO-MISSION PARTNERS CONFERENCE

- *H. Lalñhatluanga leh
P.C. Lalngakhleli, Srinagar*

Mizoram Presbyterian Kohhran chuan Church Mission Society (CMS), United Kingdom nen thawh dunna thuthlung a lo ziah angin, kum 2008 khan Mizo missionary, CMS Co-Mission Partners ni túrin mi panga, India ram hmun hrang hranga thawk túrin a tir chhuak a. Co-Mission Partners Conference-ah hian CMS-a thawkte leh a thawhpui South Asia-a rawngbawltu zawng zawng inhmuh khawm ÷hin a ni. Chumi kuma Kathmandu (Nepal)-a Co-Mission Partners (CMP) conference-ah chuan ka la kimki hle mai. Upa Dr. L.N Tluanga'n '*Head hunting to Halleluiahs Chorus*' tih thupua hmangin

Mizote chanchin a han sawi chu ropui an ti hlawm hle mai. Tichuan, keini Mizote pawh Nepal aṭang chuan kan thawhna hmun tûrah kan kal darh ta sang sang a. A kum leh (2009) CMP Conference, Pune-a neihah kan han inhmu khawm leh chu hnam chi khatah chuan a tam ber dawttu kan ni, sawm lai kan tling tawh (thawktu nupui pakhat chhiar telin). Hemi kum hi chuan tuna Mission Board Secretary Rev. Lalchhuanmawia'n min ho bawh a, kan inthlahrung bik vak ta lo. Kan rawngbawlina report te pawh kan pe a, zaipawl te nen *'Praise and worship'* hun pawh kan hruai a ni. Tunlai technology, power point hman lova kan Lalpa Isua Krista power point hman zâwka Mizoram Kohhran chanchin Rev. Lalchhuanmawia'n report a'n pe chu kan rawngbawlpuite'n mak an tiin ropui an ti hle mai.

May 24-28, 2010-a CMP Conference, Dalhausie (Himachal Pradesh)-a neihah chuan Mizote kan che pui tawh khawp mai. CMS-a kan hotute pawhin, "Mizote hi thawhpui an nuam a, an thawk ṭha bawh?"

min ti hial a ni. A tam lamah pawh kan ṭahnmem ber tawh, sawmpathum lai (nautê nen 15) kan ni tawh. Rawngbawlina hrang hrang report pêkah Mizo missionary, Tran Taran (Punjab)-a thawk Pu Laldinpuia te, Pu J. Saidingliana Sailo te, Pi Melody K. Lalbuatsaihi te leh Pi Lalzahawmi te rawngbawlina report chuan mite thinlung a khawih khawp mai. Hun rei tak damlo tawh an enkawl aṭanga nau pai thei ta te, HIV+ an enkawlina te leh hmeichhe dinhmun hniam chawikâna tûr 'Self help group' an din te chuan kan rilru a khawih hle mai. Nl. Debbie Lalnunhlui'n Bangalore-a mi hausa leh changkâng tak takte hnena Isua Krista Chanchin Ṭha a hrilh theihna tûra 'Coffee Talk' a neihpui ṭhin te, eng hunah pawh ṭawngṭaisak tûra koh a nih ṭhin thu te leh, ṭhalai beidawng intihhlum mai tum te pawh a kawm ṭhin thu te chuan kan zavaiin min hneh a ni. Kan conference chungin ṭum hnih lai mai zaia rawngbawlina a nei a, a Mizopuite chuan kan lo chhuang thei khawp mai.

Nepal-a thawk Pu Lalramthara leh Pi Lalruatdikite pawhin damdawi inah te, sikulah leh kohhrana an rawngbawlina te thiam taka report an han pe chu, Mizote hi Lalpa'n a hna thawkah min duh a ni tih hi kan hre chhuak thar leh a ni.

Nl. Lallawmzuali'n China-a a rawngbawlina ngaihnaawm tak, Kristiante min cho tak mai a report te chu chhuanawm tak a ni. Hunin min daih loh avangin Diphu (Assam)-a rawngbawlina leh Srinagar (Jamu & Kashmir)-a rawngbawlinate kan ngaihlhla hman lo va, a pawl kan ti khawp mai. Lawmawm tak mai chu, Mizovin zaipawl kan neih rêng rêngin kan hotute, pindan hran daiha buai taka awmte pawh an thlâlâkna nen thla lâk hman loh hlauvin an rawn tlân dâwr dâwr zel. Kan zavaiin mawi kan ti a ni ber mai. A zaiate pawhin

thiam kan inti thin khawp mai. Heng bâkah hian hnam dang, kan rawngbawlpuite pawhin an hnathawh report an pe baw a. Bible Study leh thupui hrang hrang zir hona hun kan hmang a, nuam kan tiin a hlâwk hlein kan hria. Chhun chawlh lai leh zanriah ei kham hnuah Mizote'n a bikin inpawlkhawmna hun kan hmang thin a; ãawngtaipui kan ngaihna te kan sawi a; kan rawngbawlina te pawh chiang zâwkin kan sawi ho leh thin a; chungte chu kan hlâwkna tizualtu a ni.

Keini Church Mission Society-a Co-mission partners hote hi thiamna leh finna tlachham tak takte kan ni hlawm a. Kohhranhote'n min ãawng-ãaisak avanga tun dinhmun hi thleng thei chauh kan ni. Chuvangin, min lo ãawngtaipui zel tûrin kan han sawm che u a ni.

KARBI ANGLONG FIELD WORK CAMP TULNA

1. Hamren School hmun lei laih.
2. Dongka Pastor Quarters ram lei chhun khah.
3. Koilamati Playground laih zau.

Sunna:

PU K. LALHMUNLIANA KAN THEN TA

Pu K. Lalhmunliana hi Pu K. Zalawma leh Pi P.B. Sangkhumite fa pahnihna niin February 8, 1968 khan Murlen khuaah a lo piang a. Unau pianpui mipa 2 leh hmeichhia pakhat a nei a, an vaiin 4 an ni. Zirna lamah chuan HSLC pass a ni.

Chhungkaw lam : Pu K. Lalhmunliana hi November 20, 1997 khan Tlanhmingthangi nen Diphu, Karbi Anglong-ah an innei a; fa 3, Dorris Lalhmangaihzuai (12), Lalengzauva (10) leh Lalthangmawii(9)-te an nei.

Rawngbawlina lam : Missionary-a a kal hma pawhin tualchhungah Sunday School-ah Secretary leh Zirtirtu te, KTP-ah Branch leh Group hruaitu te a ni thin. March 2, 1992 atangin Synod Mission Board hnuaiah Evan. Teacher-in a thawk tan a, kum 18 pumhlum a thawk tawh a ni. A thawh hun chhungin Karbi Anglong Mission Field-ah a thawk ber a. A hriselna that loh avangin November 1, 2008 atangin Synod Mission Board Headquarters Office-ah sawn a ni a, Office Assistant (*attached*)-in dah a ni. Missionary hna a thawh chhunga a thawh tawhna hmun leh kumte chu hetiang hi a ni:

March 2, 1992 - December, 1992	E/T, Koilamati, Karbi Anglong
January, '93 - December, 1998	E/T, Silonijan, Karbi Anglong
January - December, 1999	Missionary Training, MTC, Aizawl.
January, 2000 - December, 2001	Evangelist, Koilamati, Karbi Anglong
January, 2002 - January 9, 2003	E/T, Koilamati, Karbi Anglong
January 10, 2003 - October, 2008	E/T, Sarihajan, Karbi Anglong
Novem 2008 - till death	E.T./O.A., SMB Office, Aizawl.

A mize tlangpui : Mi zaidam, nunnem, rilru tha, a naupan lai atang rênga nu leh pa thu awih thei tak a ni a. Pa tuarchhel leh tlawmngai tak, rawngbawlina kawnga mi tui leh inpe tak a ni bawk. A miziaa entawn tlâk tak mai chu hotute thu awih tak a nihna hi a ni a. Mi inthlahrung tak a ni a, Synod Mission Board hnuaia a thawh chung hian rawngbawlina kawngah mi hnawksak a nih hriat a ni ngai lo.

A hun tâwp lam : Pu K. Lalhmunliana hi Karbi Anglong Mission Field-a a awm laiin cancer natna a vei tih hmuhchhuah a ni a. Chu vanga Synod Mission Board Headquarters Office-a sawn pawh a ni

nghe nghe. Mahse, a hun tam ber damdawi ina hman a ùl avangin office pawh a kal mumal thei lo. A rawngbawlina hmuna kir leh ngei a duh êm êm laiin a natna chu a lo zual zel a, June 23, 2010 dar 3:00 a.m.-ah chuan natna nunrawng cancer avang chuan a nupui fanau, chhungkhat lainate leh a rawngbawlpuite zawng zawng kalsanin he leia a rawngbawlina chu a lo chawlhlan ta a. Natna rêng rêngin thu a neih tawh lohna hmunah chatuana a Lalpa hnena chawh tûrin ropuina ramah min lo kalsan ta a ni.

Hemi ni vêk hian chhun dar 1:00-ah Rev. Lalchhuanmawia, Secretary, SMB chuan a vui a. Amah ringtute tâna thawh hmahruaitu kan Lalpa dungthula ropui taka tholeh tûrin a taksa chu Zemabawk thlanmualah vui liam a ni ta a ni.

He thihna hi Synod Mission Board tân châna nasa tak a ni a. A nupui fanate, a nu leh pa, chhungkhat laina zawng zawngte Lalpa'n awmpuiin thlamuan zel mawlh rawh se.

'A mi thianghlime thihna chu Lalpa ngaih chuan hlu tak a ni.'
(Sam 116:15)

MISSIONARY TRAINING COLLEGE (MTC) HAWN A NI TA

Missionary Training Centre (MTC) ni ùin chu Missionary Training College-a hlan kai tûra ruahman a nih angin ni 4 June, 2010 (Dar 2:00 p.m.) khan Pi Zaii Hall, Synod Conference Centre-ah Synod Moderator Rev. C. Chawngliana'n a hawng ta. A hawnna programme-ah hian Synod Office leh MTC-a thawkte bâkah Synod Mission Board member-te, SMB Secretary lo ni tawh te, khawpui chhunga pastor zawng zawng te, ATC-a thawkte leh mi pawimawh dang ùahnem tak sawm an ni a. Synod Choir-in Halleluia Chorus mawi takin an sa. Mi zathum chuang lai kal khawmin tlaiah a lawmna ruai kil ho nghal a ni.

Kum 1976 October thlaa Synod Mission Board thukhawmin Missionary Training School neih thla a hriat chu kum 1977 October thlaa Synod Mission Board thukhawmin chuan tihpuitlin tûrin a rel a. Theological Education Board (TEB) kaltlangin SEC-ah thlen a ni a. Tichuan, kum 1977 Synod chuan Aizawl Theological College-a bet tûrin Missionary Training Department din a remti ta a ni. Tichuan, kum 1978 atangin Missionary Training Department chu ATC-ah hawn tan a ni ta a. Kum 1980 thlengin ATC Academic session a zui ve mai a, kum 1981 atangin calendar hran neiin Jan.-Dec. session a hmang ta ni.

Kum 1995-a Aizawl Theological College Durtlanga sawn a nih khan, Missionary Training Department pawh a chhawm tel zel a. Chu chu remchang tâwk lova hriat a nih tâk avangin Synod inkhawmpui thu angin kum 1996 atang chuan Mission Vengthlanga ATC hmun hlui, Christian Multipurpose Training Centre-in a luah mêkah chuan sawn luh leh a ni a; Synod Mission Board-in a enkawl zui

ta bawk a. Kum 2007 November thlaa Missionary Training Building thar luah a nih hma zawng kha chuan SMTC nen hotu pakhat hnuaiah an awm dun a. Building thara an indan atang chuan an hotu 'Dean' tih pawh chu 'Director' tih a lo ni ta a ni.

Kum 2007 Synod-in MTC chu tichangtlungin, kum 2010-ah College-ha hlan kai ni se tia a lo rel tawh angin kum 2008 atangin MTC Managing Committee siam zui nghal a ni. College hawn tûra inbuatsaihna chu theih ang anga kalpui niin May 18, 2009-ah Missionary Training College hawn tûra Bachelor of Missiology (B.Miss.) course chungchanga Consultation chu Registrar, Senate of Serampore hova neih a ni a. Chumi zulzui chuan B.Miss. syllabus proposal (rawtna) pawh Senate of Serampore-ah SMB hminga thawn thlâk a ni ta a ni.

He College library atan hian kum 2010 May thla thlengin lehkhabu thar 634 neih belh a ni a; bu 350 vel lo thleng mai tûra beisei a awm. CRWM leh hmun hrang hrang atangin lehkhabu dawn belh zel beisei a ni bawk.

Tunah hian thawktu nghet lecturer 7 leh Principal, O/A leh thawktu dang pakhat leh contract-a rawih mi pathum zirtirtu, library staff leh hostel-a thawk mêkte an awm. Peon, Chowkidar leh Librarian kan la nei lo. CRWM lam ațangin English zirtirtu tûr min pêk theih tûr thu kan dawng bawk.

College tihchangtlun nan leh thawktute hlawkpui tûr a nih beiseiin **Mission Gallery** siam a ni a. Heta tan hian Zosap Missionary-te hmanrua/bungraw hlui te, Mizo missionary martarte thil hlui te, missionary sulsutute thil hlui leh mission field hrang hrang leh Mizo missionary-te thawhna hmun hrang hrang ațangin hnam thil te lâk khâwm tum mêk a ni

a. He gallery hi rei lo têah hmuhdawm tham ni ngei tûra buatsaih mêk a ni.

MTC-ah hian Bachelor of Missiology course chu June 7, 2010 ațang hian țin a ni a. Zirlai hmasa ber tûr hmeichhia 8 leh mipa 7, an vaiin mi 15-te zingah hian missionary thawk lai 3 deputation-a zir tûrte an tel. Hetiang College kan lo nei ta hi Mizote tan hmasawna pawimawh tak a ni a. India ram pum huap pawhin hetiang Missionary Training College mal din hi a la awm lo niin sawi a ni a; India history-ah thil thar pawimawh tak kan siam a ni ta bawk a ni. He college hi a hlawhtlin zel nan leh kohhran tân ținakai tak a lo nih ngei theih nan ținawngtaina nen kohhran mite kan vaiin i ținang ho zel ang u.

NAU HUALNA CARD

MSSU Committee-in a rel angin Nau Hualna Card hi kohhran tinin a thlawna lâk tawh tûr a ni a, MSSU Office ațangin emaw, Bial Sunday School Secretary hnen ațangin emaw mahni kohhran mamawh tâwk lâk mai tûr a ni e.

Sd/-

(REV. ZOSANGLIANA COLNEY)

Exe. Secretary i/c M.S.S.U.

*Sermon:***KA BERAMTE CHAWM RAWH****(Joh. 21:15-17)**

Lal Isua'n he khawvela rawng a bawl laia a thusawite kha kan ni tin nun atan leh kan thlarau nun atana pawimawh tak tak vek a ni a. Thihna hneha a thawhle hnu a thusawi phei hi chu a pawimawh lehzu al ang tih a rinawm.

"Hengte ai hian nangin kei mi hmangaih zâwk em?" tia Isuan Petera a zawh hian, **'zâwk'** tih ðawngkam hi thil khaikhinna a nih avangin, Isua hian Petera ni lo thil dang kawh leh mitthla a neih ngei a rinawm a. A kawh leh mitthla tak erawh rin thu mai lo chuan hriat theih a ni lo.

Zawhna thuhmun leh inang wawi thum ngawt a zâwt pawh hi ngaihtuah tham tak a ni. Ngaih dan tlânglâwn takah chuan, Petera'n wawi thum a phat avangin Isua hian Petera ðawngkam ngei a ðangin wawi thum a hmangaih thu hriat a duh a ni ang, tih a ni. A sual chuang lo.

Isua'n a thih tûr thu leh a zirtirte'n an zavaia an phatsan tûrte hre lâwkin Petera hnenah, *"I hawi kir leh hunah nangin i unaute tinghet ang che* (Lk. 22:32)," tia mawhphurhna a pêk chu Petera'n hlen lova, Isua a zui

hmaa a hnathawh ðhin sangha man hna lama a kir leh tâk avangin rawngbawlna kawnga a rilru a inlamlêt leh a, a rilru pea a inhriat chhuah thuai theih nan he zawhna hi a zâwt nawn chhên pawh a ni thei bawk.

Isua hian eng nge a kawh/ mitthla?

1. Petera ðhiante - a zirtir dangte : Petera hian a ðhiante aiin Isua a hmangaih zâwk angin wawi tam tak a inlantîr a. An zaa an phatsan tûr thu Lal Isua'n a sawi ðum pawh khan, *"An zain i chung thuah lungni lovin awm mah sela, kei zawng lungni lovin ka awm tawp lo vang...i thihnaah chuan thi ve dawn mah ila, ka phat tawp lo vang che,"* tiin Petera hi a intiam a ni. Hei vang hian, a ðhian dangte zawng zawng aiin Petera hian a hmangaih zâwk leh zâwk loh Isuan a hre duh a ni mai thei.

Hei hi a pawimawh khawp mai. Rawng kan bawl honaah pawh kan rawngbawlpuite aiin kohhran leh Pathian hmangaih zâwk anga inlantir a hlauhawm thei a. Thiant e theihna leh thahnemngaihna hmuh kânin kan theihna te, thawh leh thiltih te lansirhtir a awl thei. Chutiang dinhmuna kan ding a nih chuan Isua hian kan rawngbawlpuite aia amah kan hmangaih zâwk leh zâwk loh min zâwt a ni.

2. Lawng, len leh sangha : Lawng leh lente chu sangha mantu tân chuan a pawimawh hle a. Chung tel lova sangha man tum chu chem leh hrei tel lova lo vah tum ang a ni. Chu bâkah sangha tam tak suma chantîr mai theih a la awm lehngal. Chungte ai chuan amah a thlan zâwk leh zâwk loh Isuan a hre duh a ni mai thei. Heng hian sum leh pai, kan eizawna te a kâwk thei ang.

Mihring kan nih chungin kan intunnun nan sum leh pai, eizawna, in leh lote a pawimawh êm êm a; amaherawhchu, chung zawng zawng ngaihthah chuang si lovin kan thinlungah chungte ai chuan

Isua kan dah hmasa em? Sum leh pai kan zawna kawngah te, mahni inhaivur tuma tân kan lâk mêk lai te hian chung zawng zawng ai chuan kan thinlungah hmun pawimawh ber a chang em tih Isuan a hre duh a ni. Keimahniah hian, Amah Isua nge kan dah hmasak keimahni?

Ka beramte châwm/enkawl rawh : A pawimawh ber chu châwm/enkawl hi a ni. He laia ‘châwm/enkawl’ tih tawngkam hi kan mi thiam (zir mi)-te chuan ‘*ran rual enkawltuin duat taka a rante a enkawl thinna thu nen a inang*’ an ti a. Ran rual enkawltu chuan a ran enkawlte an tlat darh loh nan te, sa hlauhawmin a seh tûr lak atang te, an damloh leh tanpui an ngaih lai tein duat leh dimdawi takin a enkawl thin. An thatna tûrin kawng tinrêngin a thawhsakin, ei leh in tûr mai bâkah thlipui ruahpui laka an him theihna tûrtein theitâwp a chhuah thin.

Chutiang bawkin kan rawngbawlsakate tâna inpe tûrin kan Lalpa hian a rawngbawltute hi min duh. Ramthar hmuna kan rawngbawlinaah pheih chuan ringlo seng khâwm chu sawi loh,

ringthar enkawl ringawt pawh hna tak tak a tling. Hmelmapa hian ringtute kan darh theihna tûrin thiam takin hma a la ngar ngar reng a. Chung lak aţanga kan mi leh sate himna tûr ngaihtuah chung a enkawl leh chawm hi kan mawhphurhna a ni. Ran puin a rante an ţatna tûr

ngaihtuah a an t n a thawk  thin ang hian, kan mite enkawl na leh ringthar neih tuma hma kan l kna kawngah hian  tan i la thar deuh deuh ang u.

(He thu ziaktu H. Lalsanglura hi SMB hnuaia Evangelist, Cachar Tlangram, Baruatila-a thawk m k a ni.)

RAMTHAR FIELD TLAWH REPORT

1. Field hming : Tripura Mission Field
2. Khua/Mission Centre : Noagang Pastor Bial leh Tuingoi Pastor Bial
3. Tlawh hun chung : Jan. 29 - March 1, 2010
4. Tlawhtu kohhran hming : Durtlang Pastor Bial Koh. Hmeichhia
5. Kal z t : Mipa 2, Hmeichhia 19, Total : 21
6. Tlawh chhan : Field Visit
7. Hnathawh/Thiltih : Inkhawmna neihpui leh  tanpuina p k
8. Senso zat : Rs. 52,365/-
9. Lawmawm lam : Pathian hruaina duhawm tak kan dawng a, kan lawm hle. Bialtu Pastor leh Tirhkohte'n kan kalna apiangah min hruai avangin kan lawm a. Kohhranho Pathian t na an inp kna leh rinawmna a ropui kan ti.
10. Lawmawm lo lam : Missionary an indaih lo hle a, rawngbawl naah harsatna an tawh phah. Eizawnna a harsat avangin rinna kawngah hmasawn an harsat phah baw a ni.
11. Report  tul dang : An  awng hla bu an mamawh hle, hla bu an nei mumal lo. Missionary/Tirhkoh dah belh theih ni se a duhawm hle. Nau neihna khum leh P.A. set te an mamawh hle a, hma l kna

tûr a tam hle mai. Harsatna tam tak awm mah se, kohhran mite an inpêkna a nasa a, an hlim tlâng hle. Tawngtainaah i hre reng ang u.

Report petu,
Malsawmtluangi
Secretary
Durtlang Bial Kohhran Hmeichhia

1. **Field hming** : Karbi Anglong Field
2. **Khua/Mission Centre** : Upper Dikrong, Diphu Centre
3. **Tlawh hun chhung** : 31 Mar. - 6 Apr. 2010
4. **Tlawhtu kohhran hming** : Nursery Veng Kohhran
5. **Kal zât** : Mipa 18 Hmeichhia 4 Total: 22
6. **Tlawh chhan** : Work Camp leh Biak In thar hawn.
7. **Hnathawh** : Pulpit leh dawhkan siam
8. **Senso zât** : Biak In sak tanpuina Rs. 10,000/-
Motor hire-na Rs. 41,000/-
Tul dang Rs. 26,135/- Total : Rs. 77,135/-
9. **Lawmawm lam** : Diphu centre-ah neiin thawktute'n min lo dawngsawng tha a, kan lawm hle. Ni 2 kal lam leh haw lam motor-ah min sâwi chung pawhin motor rui buai kan awm lo.
10. **Report tul dang** : Kan kalna a hla a, senso a tam deuhvin lang mah se, motor nena kan thleng thla hi, ringthar tê têtê'n kan ngaihsak tih an lo hria a, a lawmawm kan ti. Upper Dikrong hmuna keimahni kohhran sak liau liau Biak In thar kan hawng thei hi kan lawm bawk. Ringtharte, patling pawh slipper leh pheikhawk bun lo, ke lawnga an inkhawm hmuh chuan rilru a kal thui duhin, keini pawh Kristian lo ni lo ila, hetiang dinhmunah hian kan la ding ve mai âwm mang e kan ti rilru.

Report petu,
V. Liandawla
Secretary, Ramthar Comt.
Nursery Veng Kohhran

SYNOD-INTERSERVE PARTNERSHIP

- Upa Dr. L.N. Tluanga
Mission Veng

Hun a inher liam zel a, tlaikhawhnua ramthar rawngbawlnaa lut ve chauh keini akâr pawh, a senior kan lo ni reng tawh a, kan pension vena pawh hei kum 10 chuang zen zawh a lo ni der ta mai! Ka thawh ve hun chhung kha chu 1982 aţanga 1997 a ni a.

Thil thenkhat, kan thawh ve laia kan hriat chian leh hriat sa anga kan ngaih, ţhangthar tâna chhui fe ngai a awm nual tawh tih ka ngaihtuah a. Chung zingah chuan a chungka ka han tar lan **Synod-Interserve Partnership** chungchang hi a tel a. Hei hi han sawi thar deuh a pawimawhin a lang a, thenkhatin ziaak turin min duh thu an sawi bawh a; tawi fel deuhva ziaak ka'n tum a ni. A tawi tehchiam lo mai thei bawh a.

A Bul : ZBMM 1852

Interserve hi a lam pum chu *International Service Fellowship* a ni a. Hmeichhe ţahnemngai hovin India rama an ţan a ni a. Chungho chu sawrkar hnathawk lianho, ICS (Indian Civil Service) nupui, ramthar rawngbawlina lama ţahnemngaite an ni a. A tira a hming pawh **ZBMM** (*Zennana Bible Medical Mission*) tih a ni a; hmeichhia leh naupang tâna thawh tura 1852 kuma din a ni.

Chutiang chuan kum 100 chhung a ding a; tluang tak leh ţangkai takin rawng a bawl a. A thawktute pawh Sap ram (Britain) mi, hmeichhia an ni hlawm a.

Kum 100 a lo liam chuan India ram pawh British colony a lo ni tawh lo va, chu bakah khawvel a lo inher danglam nasa tawh em em a; ZBMM pawh a ngai rengin a kal hlei thei ta lo va; chuvangin, 1952-ah chuan nasa taka hâk zauhvin rawngbawltu atan mipa leh chhungkuate pawh an pawm ve ta a; tin, thawktu pawh Sap ram aţang mai ni lovin, ram dang eng emaw zat aţangin lâk an ni ta bawh a. Chung zinga hriat hlawh deuhte chu Australia, Canada, New Zealand, Scotland leh USA-te hi a ni âwm e. An thawhna hmun pawh India ram mai ni lovin Nepal, Africa, Middle East leh Arab ram hrang hrangte leh China leh Mongolia-te thlengin an zauh ta bawh a. Hming thar **BMMF** (*Bible and*

Medical Missionary Fellowship an pu ta baw a ni.

BMMF International-ah Dr. R.K. Nghakliana 1972

Hetiang hian an han kal zel a, Pathian malsawmna pawh an dawng hle a ni ang, thawktu (missionary/*partner*) pawh an nei pung zel a, 400 vel lai pawh an han tawng chho a ni. An hmingah hian “missionary” tih a tel avangin a lamtawiin an hman tam tial tial a, **BMMF International** tih chu an hming zia dan a ni ta a. Hetianga tluang taka rawng an bawl mek lai hian 1972 kum khan Mizoram Synod nen kan inhmelhriat tan ta a. Ka u, *Dr. R.K. Nghakliana* kha, Indian Partner pakhat angin kan Synod tirhin a lut ve a ni. Partner tih hi BMMF chuan an missionary-te an koh (sawi chhuah) dan a ni a; India ram leh ram dang tam takah pawh ‘missionary’ tih hming hi ngainat a nih tawh loh vang a ni. He kum hi chhinchhiah tlang ila – kan Synod leh BMMF, tuna Interserve India lo ni ta nen kan inhriat tanna, Partnership kan neih tan kum a nih chu – kumin hi **a kum 38-na a lo nih tawh chu!**

Dr. R.K. Nghakliana khan, BMMF Partner ni chunga

EMFI (*Evangelical Medical Fellowship of India*) lama inhmangin a thawk a; 1980 Synod-ah khan ordain a ni a; December 24, 1985-a chatuan ram min pansan thlengin a thawk a ni. Ani kha thawktu kan neih chhun a nih avangin, amah a thih tak siah chuan, kan partnership chu a tawp ta rih tih theih a ni ang chu. Amaherawhchu, Pathian remruatna mak tak a lo inher chhuak a, ama pianpui ngeiin January 1987 atangin, kan Synod mi leh sa niin, Synod Mission Board tirhin, he Mission Pawl hi ka zawm ve ta mai a. Chu chu mumal taka Partnership Agreement zia (sign) thlapa Synod leh Interserve Partnership tihngheh leh tihchianna hun thar a lo ni zui ta a ni. Chik taka chhui duhtu tan chuan December 25, 1985 atanga December 31, 1986 thleng khan **kan partnership chu a chatlak a nih chu!**

Interserve India pian kum 1987

Kan thu sawi tum a fiah zawk nan mahni chanchin han sawi tel nual a ngai a; chhiartuten in lo hre thiam ang a. Keini kha (ka nupui leh fa tlum ber nen) January 1982 khan Kiribati panin kan chhuak kha a ni a; CWM (*Council for World*

Mission) leh kan Synod thawh dunna/partnership hnuaia kal kan ni. Term 2 aia rei deuh (School session laklawh vangin) kan thawh hnuah December 1986-ah kan lo haw a, ding ngil thei lo leh kal tha hlei thei lovin ka awm a; Vellore kan pan zui thuai ta nghe nghe a. Zai khirh tak ka tâwk a, damkawr chhung pawh thla thum chuang lai a ni. *Interserve*-a kan thawh chhung chu January 1, 1987 ațanga March 31, 1997 thleng a ni. A tir ațangin, Partner pangngai n gan, kan nupain, hlawh/n gan inzat chiah min pe a, a pun pawhin a pung dun zel a, a tawp thlengin chutiang chuan min enkawl a ni. September 1989 ațangin *Executive Secretary, Interserve India* ka ni a, ka n gan chu a ngai reng tho va. *Interserve*-in kan hlawh tura a tuk n gan chu kan Synod-in an rawn thawh mai thin a ni. Chungte pawh chu kan Partnership Agreement-ah ziaak fel vek a ni a.

BMMF International thutlukna pathum 1985

Kan thu a chian zawk nan han kir leh lawk ila. BMMF International hming pua an thawh lai leh Pathian malsawmna dawng zela an kal lain kum 1984 vel ațang khan harsatna an tawh

tan ta a. An hotute sawi dan chuan, Pi Indira Gandhi kah hlum a nih hnu vel ațang khan a hluar ta a ni. Darkar 24 chhunga haw tura hriattirna dawng te Partner zingah an awm a; thenkhat chawla an haw India rama lo kir leh phalna (visa) pek duh loh te an awm a; thil a kal buai ta tial tial a. Tawngtaia Pathian rawn chunga fimkhur taka an ngaihtuah hnua *thutlukna pawimawh tak pathum* an siamte chu (1) hming thar neih, (2) International office, Delhi ațanga sawn chhuah leh (3) India mi kuta hotu nihna (leadership) hlan chhawnte a ni a. Hming tharah chuan mission tih emaw, missionary tih emaw tel tawh lo se an ti a; an nihna leh an tih mek nena inrem chiah tho *International Service Fellowship* = *Interserve*, tih chu 1985 khan thlan fel a ni a. A kum leh 1986-ah office pui pawh *Nicosia, Cyprus*-ah sawn a ni a. A pathumna hi 1989-ah hlen a ni thei chauh va, Pathian khawngaihna, India mi hotu (*Executive Secretary*) hmasa ber atan, India rama hnam tlawm tak Mizo zinga mi, kei - chhuanawm lo leh tling lo tak ruat ka lo ni ve tlat kha a mak hle mai. Pathian thiltih mak a ni e.

January 1987-a kan han luh ve khan International Orientation buatsaih a ni a; hei hi kan tan bik a tangkaiin a hlawk em em mai a. Mak angreng tak chu a hnu lamah tih zui a ni ta lo va; kan vannei chungchuang hle a ni. A dawtah January thla vëkin All India Annual Conference a awm zui baw a; a chung a kan sawi tak thilte khi sawi chhuah leh nasa taka sawi zui a ni a. A tihhlawhtlin nana hma lo la zui turin Mr. Robin Thomson, British pachal, theologian leh Bible teacher nen min ruat a; ani hi Japanese nupui nei, mi inngaitlawm tak a lo ni a, thawhpui pawh a nuam hle a; mahse, kan hna laklawh laiin chawlin min hawsan a; keimahin ka chhonzawm a ngai a. Kum thum vel hnuah a lo kir leh a, tha takin kan remruatnate chu kan bawh zui dun leh ta a ni.

Kan hna hmasa ber chu dan (Constitution/Memorandum of Association) siam a ni a. Chu chu Robin-a nen a ruangam kan duan hnuah ka chhonzawm char char a; ka inzai hnu ka damkawr laiin inah ka buaipui a; pawl hming atan **Interserve (India)** kan thlang a. Danpui bakah a tesep (*Rules and Regulations*) ka duang nghal baw a. Heng hi

September 28, 1987 khan pawm fel a ni. Chairman hmasa berah Prof. G. Devapaul, Executive Secretary hmasa berah Miss Margaret Parkinson-te ruat an ni. Margaret-i hi Australian nula, Regional Superintendent hna chelh mektu a ni a. Hmun dangah thusawi tura ka thang bo hlan a ni a; he kan dan pawm (adopt) ni hian ka awm ve lo va. Kum hnih hnuah Chairman thar atan Rev. Viju Abraham, Bombay leh Executive Secretary thar atan Dr. L.N. Thuanga ruat an ni ta a.

Synod-Interserve Partnership : 1st January 1987

Hetia Interserve India din tura buaipui mek rual hian Synod leh Interserve Thawh Dunna Thuthlung (Partnership Agreement) chu siam nghal a ni a. Ka hriat reng dan chuan kum thar 1988-ah Synod aiawhin Rev. Rokhuma, Moderator-in a sign a, Interserve aiawhin Margaret Parkinson-i hian a sign baw a; a thawktu awm chhun chu keini nupa kan ni a. Chu lehkhia (document) chu khawi lai file-ah emaw chuan a la awm ngei ang. Kum 3 hnua thlir (review) leha, pawhsei leh emaw, tihdanglam emaw, tihtawp emaw tur a ni. ***He partnership inñanna ni chu 1st January 1987 a ni.*** Kan hriat

theuh angin he Partnership hi tun thlengin a kal zel a, a la nung reng a ni. A thu inziak nawi têt tête chu tihdanglam a lo ni tawh mai thei a; a ruangam chu a ngaiin a kal zel ni tur a ni.

Interserve India-a thawk Mizote

Interserve India-a Mizo lo lutte chu, a hmasa berin (keini dawttuah chuan), NI. Lalrammawii Pachuau, Chanmari, Aizawl a ni a. Ani hi kan Synod tirh a ni chiah lo va; ENF, Mizoram hmalaknaa rawn lut a ni a. Prof. Ravikant Kant nen, kum eng emaw zat an thawh hnuin an innei a, tun thlengin a la thawk a ni. A hnuah NI. Debbie Zothanpari, Mission Veng a lo lut ve leh a, ani pawh hi a la thawk zel a. Tin, a pathumnaah NI. Lalrinmawii Fanai khan a rawn zawm ve leh a, ani hi chu hna dangah a insawn leh tawh a. Synod Mission Board-in ziktluak taka a rawn tirh leh chu Dr. Lalchungnunga a ni. Ani hi Development Secretary atana, a bik deuhva lâk a ni a; kum 3 a thawh hnuah 1995 kum khan Aizawl Theological College-a B.D. zir turin a lo chhuak leh rih a. Vawiin thleng hian Pathianin, amah leh an chhungkuain nasa takin a

kaihruai a, Serampore College Principal ni chungin Interserve India Partner an nupain an la ni zel a; chhuanawm takin an thawk zel a ni. Pi Lalnunmawii kha a dawt lehtu niin ka hria; ani hi SMB hriatpuia lo kal chu a ni ngei a; Interserve India office-ah PA ang deuhvin January 1996 aţangin pension-a ka chhuah thlengin ka thawhpui nghe nghe a. September 1998-ah World Vision lamah a insawn a; tun thlengin chutah chuan Tentmaker kan tih ang deuhvin a thawk zui ta a; a pasal Thanpuia leh an fate pahnih nen Delhi-ah an la thawk zel a ni. January 1996-ah bawh khan Pu V.L. Luaha leh Dr. Laldineni te nupa an lo lut ve leh a. Dr. Laldineni hi chu Synod Mission Board hnuiaa a nulat lai aţanga lo thawk tawh a ni a; chutianga Board rawih zui zel angin a awm a. Tunah hian an fate 3 nen Delhi-ah awmin an la thawk zel bawh a.

Kan chhuah hnu hian Mizoram aţanga Interserve-a thawk an awm zui vak lo va. Ka aiawhtu Dr. Bijoy Koshy kha International lama thawk turin lak chhuah a ni a; a ai rawn awh lehtu chu Rev. John Amalraj, IMA lama thawk thin a ni. Ka

hun laia Delhi-a office kan lei chu
chhuahsanin Pune lamah an
insawn chhuak a; tunah chuan
office hlui chu hralh a ni tawh

nghe nghe. Delhi-a thawk mekte
pawh, Pu Luaha te chhungkua tih
loh chu Pune lamah an insawn
vek bawk a.

(*chhunzawm târ*)

I LO NGAIHTUAH VE NGAI EM?

- *Evan. Rema*
Bantarapur, Barak Area

Boruak lum nuam tak mai leh current awm zeuh zeuhna ramah chuan ka han awm ve ta chu a ni mai a! Bengah pawh la ri ngai lo Barak field rawngbawlina zin kawng chu ka han zawh ve leh ta chu a ni a le! Ka rin loh leh ka lo beisei ang lo thil hi a lo tam thin angreng hle mai. Chutih rualin kan missionary-te lo thawh tawhna leh hma an lo lâkna a ropui ka ti thin hle mai.

Chu khaw lum nuam taka thlan tla zawih zawiha kan *door to door campaign* neih zawha kan hawng lam chu ka thawhpuite chu an ngaih dante hriat chakin ka han zawt a. Hei hi a ni chu ka zawhna pawimawh tak mai chu!

“Kan ringtharte leh baptisma changte hian eng vangin nge biak ina inkhawm te, Christian activity hrang hrang te, anmahni ina tawngtai te hi an chhunzawm loh?” tih chu ka han sawi chhuak phawng mai a. A then chuan, *“Anmahni an chiang lo alawm,”* ti tein min chhang a. Tin ngaih dan dang lehah chuan *‘Tih tak takna NUN an nei lo’* ni tein kan hmu bawk. Enga pawh chu lo ni

se, kan thawhna hmun te, a mi chêngte azirin he *Mission Perspective* hi kan hmu thei vek awm e. Tam tak chuan he thilah hian kan ringtharte chungah harsatna kan neih phah a ni. Mahse.....

Chutih rualin a *Biblical* lam han hawi leh lawk ila. Isua Zirtir 12-te pawh, a ke bula sei lian te leh Petera te ho ngei pawh kha, lehkhabu thenkhatah chuan PRINCE OF SONS te an ti a. Mahse, ani ngei pawh khan wavi 3 lai mai a lo phat thu kan hmuh kha.

Chuvangin, kan rawng-bawlina field-a ringthar kan siamnaah hian a eng lai ber nge kan MUTAN hi ni ang le aw, tiin

ka ngaihtuahna a kal thui hle thin mai. Kan ramthar rawngbawl-naah hian member record chu kan nei tha hlawm thin khawp mai a, chutih rualin Pathianni leh inkhawmna hun dangah a chanve pawh kan inkhawm loh hi a tam thin hle mai si. Chuvangin, mahniah theuh lo inzawt ta ila... tu mah a chhanna inhrilh chu a ngai hran lo vang chu maw! Mahni theuhvin kan chhang mai dawn nia. Member ringthar nge pawimawha, nang Isua zirtira siam tumtu? Kan hruaiate hi Pathian hnenah kan hruai lut em? Tin, tawngtaiin heng ringtharte hi ni khatah wavi eng zat nge kan

dinpui thin? Lo inzawt ve mai mai ta che.

Chu thil chu a sawt (*effective*) dawn a ni tih hi a chhan dan tûr nia i hriat chuan, i awmnaah tihtakzeta Pathian hnenah lo tawngtai turin ka han chah duh che a ni. Heng kan awmna field theuhvah hian Thlarau Thianghlim harhna a lo thlen chuan ringthar mai bakah '*a bo leh mêkte pawh*' an lo kir leh ngeiin ka ring tlat a ni. Chuvangin, i lo ngaihtuah ve ngai em? Kan rawngbawl-naah hian beidawng tur erawh chu kan ni miah lo! Lalpan malsawm che u rawh se.

RAWNGBAWL NANA THILPEK PETUTE

(*Chhunzawmna*)

301. *Zarkawt Koh. Ramthar Comt.-*

- | | |
|--|------------------|
| (1) Nepal Field-a Crusade neih nan | - Rs. 10,000.00 |
| (2) Lucknow Field-a Crusade neih nan | - Rs. 5,000.00 |
| (3) Nepal Field-a Naya Basti Biak In sak nan | - Rs. 30,000.00 |
| (4) Nepal Field-a Garagati Biak In sak nan | - Rs. 30,000.00 |
| (5) Tripura Field-a Darchawi Biak In sak nan | - Rs. 50,000.00 |
| (6) Nepal Field-a Baratpur Biak in sak nan | - Rs. 100,000.00 |

302. *Sihfa Bial KTP - Karbi Field-a Silonijan*

- | | |
|-----------------------------------|----------------|
| Bialin a tul apianga an hman atan | - Rs. 1,500.00 |
|-----------------------------------|----------------|

302. *Electric Veng Koh. Hmeichhia - Karbi Field Diphu Biala*

- | | |
|--|----------------|
| Pharkhongapang Biak In hawn senso atan | - Rs. 5,000.00 |
|--|----------------|

303. *Ramthar Veng Koh. Hmeichhia - Manipur Field Imphal*

- | | |
|--------------------------------|-----------------|
| Bialin a tul apianga hman atan | - Rs. 30,000.00 |
|--------------------------------|-----------------|

304. *Upper Republic Kohhran -(1) Winchester Boarding*

- | | |
|-------------------------------|-----------------|
| tan Ring Well/Tuizem siam nan | - Rs. 25,000.00 |
|-------------------------------|-----------------|

- | | |
|---|----------------|
| (2) H/M 'S' Kauchhuah School furniture siam nan | - Rs. 5,000.00 |
|---|----------------|

- (3) H/M 'S' Zawlpui Chakma Biak In sak nan - Rs. 20,000.00
305. *Chhing Veng Kohhran* -
 (1) Arunachal 'E' Field-a Teenali Biak In sak nan - Rs. 70,000.00
 (2) Arunachal 'E' Field-a Guitar 3 lei nan - Rs. 10,000.00
306. *Pu Khawthintanga & a nupui Lalhmingliani Sailo, Dinthar Tlang, Aizl.* - Arunachal 'E' Field Khasan Kohhran Thalai Pawlte'n Biak In mamawh lei nan - Rs. 1,000.00
307. *Dawrpui Vengthar Bial KTP* - Tripura Field Naisingpara Refugee Camp hman tûr - Type Writer-1
308. *Kawlkulh Bial Koh. Hmeichhia* - Nepal Field-a Katari Biak in sak tanpui nan - Rs. 1,000.00
309. *Vairengte Bial* -
 (1) Arunachal 'E' Field Jairampur Biak In hmun lei nan - Rs. 100,000.00
 (2) Karbi Anglong Field-a Merabheti Biak In hmun lei nan - Rs. 50,000.00
 (3) Lucknow Field-a Chhatanni Biak In hmun tûr leina - Rs. 60,000.00
 (4) Siliguri Field-a Bungkhulung Biak In sak tanpui nan - Rs. 90,000.00
310. *K. Bahadur, Darlawn Venghlun* - Nepal Field-in a tûl apianga an hman atan - Rs. 400.00
311. *Upa C. Rochungnunga te chhung, Zohmun* - Tripura Field Darchawi Biak In sak tanpui nan - Rs. 1,000.00
312. *Aizawl Venglai Koh. Hmeichhia* - Patna Field-a Bahadur Thapa tanpui nan - Rs. 2,000.00
313. *Ramhlun Vengthar Koh. Ramthar Comt.* - Karbi Field Longnit Bonjan School furniture siam nan - Rs. 6,000.00
314. *Vaivakawn Br. KTP* - H/M 'N' Sihthiang Mission School-in an hman atan - Type Writer-1
315. *Nursery Veng Kohhran* - Karbi Field-a Chekso Biak In sak nan - Rs. 10,000.00
316. *Kawnpui Chhim Veng Koh. Hmeichhia* - Tripura Field Kalachhora Biala Twisakaphu Biak In sak tanpui nan - Rs. 2,500.00
317. *Serchhip Bial Koh. Hmeichhia* - Nepal Field-a Kakarvita Bial tanpui nan - Rs. 5,000.00
318. *Serchhip Field Veng Br. KTP* - Arunachal 'E' & Tripura Fields Karbook tan - Second Hand Bag 7
319. *Upa H. Zothansanga te chhung, Chhing Veng* - H/M 'S' Malsuri Mission School tan - Type Writer -1
320. *Pavalai Pawl, I.T.I. Kohhran* - H/M 'S' Malsuri Mission hmuna hman atan - Solar Battery -1
321. *Chaltlang Lily Veng Kohhran* -

- (1) Arunachal 'E' Field-a Toklong Biak In sak nan - Rs. 25,000.00
 (2) Kolkata Field-a Amra Biak In sak repair nan - Rs. 20,000.00

KARBI ANGLONG MISSION FIELD MAMAWH

1. Rongchingrum (Diphu Bial) Biak In sak nan - Rs. 30,000/-
2. Tochomarong (Diphu Bial) Biak In sak nan - Rs. 40,000/-
3. Disobai (Diphu Bial) Biak In sak nan - Rs. 40,000/-
4. Langteroi (Diphu Bial) Biak In sak nan - Rs. 40,000/-
5. Pharkongapam (Diphu Bial) Thlanmual tur ram lei nan - Rs. 35,000/-
6. Cheksolangso (Diphu Bial) Biak In hmun lei leh sak nan - Rs. 50,000/-
7. Sainilangso (Sarihajan Bial) Biak In sak nan - Rs. 40,000/-
8. Balipathar (Sarihajan Bial) Biak In sak nan - Rs. 40,000/-
9. Sarihajan (Bial thuthmun) Biak In sak nan - Rs. 2,00,000/-
10. Upper Dilai (Sarihajan Bial) Biak In sak nan - Rs. 40,000/-
11. Borjan (Silonijan Bial) Biak In sak chhonzawm nan - Rs. 10,000/-
12. Lokhiram (Silonijan Bial) Biak In sak nan - Rs. 10,000/-
13. Nambor (Silonijan Bial) Ring Well siam nan - Rs. 8,000/-
14. Bethlehem (Silonijan Bial) Biak In sak nan - Rs. 40,000/-
15. Oklangchar (Silonijan Bial) Biak In sak nan - Rs. 40,000/-
16. Chekso (Koilamati Bial) Biak In sak nan - Rs. 40,000/-
17. Ringtharte chhawmdawn nan leh Hla bu leisak nan - Rs. 15,000/-
18. Umnam (Hamren Bial) Biak In sak nan - Rs. 40,000/-
19. Longpai (Hamren Bial) Biak In sak nan - Rs. 40,000/-
20. Hamren hmuna Thlanmual tur ram lei nan - Rs. 20,000/-
21. Hamren Sunday School Hall sak nan - Rs. 50,000/-
22. Dongkamukam (Bial thuthmun) Biak In sak nan - Rs. 2,00,000/-
23. Jengkha (Dongkamukam Bial) Biak In sak zawm nan - Rs. 30,000/-
24. Merabeti (Chokihola Bial) Biak In sak nan - Rs. 40,000/-
25. Dolajan (Chokihola Bial) Biak In sak nan - Rs. 40,000/-
26. Hirhiri (Chokihola Bial) Biak In hmun lei leh sak nan - Rs. 40,000/-
27. Pitilangso (Chokihola Bial) Biak In sak zawm nan - Rs. 15,000/-
28. Chokihola Biala Kohhran 4 (pali) tan Pulpit siam nan - Rs. 20,000/-
29. Sangtilangso (Chokihola Bial) Biak In hmun tur lei leh sak nan - Rs. 40,000/-
30. Chokihola hmuna Thlanmual tur ram lei nan - Rs. 15,000/-
31. Advance Krismas cum Inter Cultural progamme siam nan - Rs. 1,00,000/-
32. Karbi Bible chhut nan - Rs. 2,40,000/-
33. Sotiana (Koilamati Bial) Biak In, thli tihchhiat siam nan (**Urgent**) - Rs. 45,000/-
34. Rongkhehan P/S Biak In, thlipui tihchhiat vek sak that nan (**Urgent**) - Rs. 40,000/-
35. Rongkangtui P/S Biak In, thlipui tihchhiat vek sak that nan (**Urgent**) - Rs. 40,000/-
36. Risakhidi P/S Biak In, thlipui tihchhiat vek sak that nan (**Urgent**) - Rs. 40,000/-
37. Phungadong Biak In, thlipui tihchhiat vek sak that nan (**Urgent**) - Rs. 40,000/-
38. Borjan Biak In, thlipui tihchhiat vek sak that nan (**Urgent**) - Rs. 40,000/-
39. Varthrok Biak In, thlipui tihchhiat vek sak that nan (**Urgent**) - Rs. 40,000/-
40. Khutajan Biak In, thlipui tihchhiat vek sak that nan (**Urgent**) - Rs. 40,000/-

SYNOD BOOKROOM BOOK NEWS

1. Kohhran siamthatna bul : Kohhran siamthatna lam hawl Mizo lehkhabu awm chhun, Rev. Liangkhaia ziak, kum 1960-a chhut tawh, hun rei tak lei lur awm tawh lo chu chhut thar leh a ni ta. Kum upa lam tan pawh chhiar theih tura hawrawp hraw tha taka chhut a ni. Kohhrana rawngbawltu tan neihngei chi a ni e.

2. Krista hnena mite hrui thlen dan: Ringtu tam berte hi thilarau sengkham tur tamzia leh a tul tawh takzet laia sengkham a har si zia hre chiangtu an ni. Midangte Krista hnena hrui thlen i tum tawhnaah zawhna chhan mai theih loh i lo tawng tawh thin em? R.A Torrey-a'n mi chi hrang hrang tawngkam luanglam taka filipui dan tur leh Bible chang hman tur bik a sawite hi hman la, Krista hnena midangte hlawhtling taka hrui thlen thei turin a kaida indawt fel tak a hriattir ang che. Amen Rs 50/- chauh.

3. Khawia mite nge : Khawvelah hian lunga den hlum tlak khawpa mi hnawksak an awm thei ang hian mi hawizau leh chawimawi phu tam tak an lo awm ve zel thin. Rev. K. Biakliana'n Mizo arsi lian, kawng hrang hranga Mizo nih tinuamtu mi 15-te chanchin hi chhiar la, an nunzia leh hnathawhte zir rawh le. Amen Rs 60/-

Postal Regn. No. MZR/46/2009-2011
RNI Regn. No. 40380/88

From :
Manager
Ramthar, Synod Office
Aizawl - 796 001,
Mizoram, India
Phone : 2325899

RAMTHAR
(Mizoram)

To

*Published by Rev. Lalchhuanmawia and Printed at the
Synod Press, Aizawl on behalf of Ramthar Association,
Aizawl, Mizoram. Copies - 22,100*

Visit us : www.mizoramsynod.org